

ցւոց ուղղած մէկ թուղթը աւելի յարգի կհամարի քան Աիկերոնէն լսած հռչակաւոր ճառախօսութիւնները:

Ի՞նչ է արդեօք ասոր պատճառը, քըրիստոնեայք: Այսան զի Պօղոսը հնարքներ ունի համոզելու թէ՛ Յունաստանը ուսուցիչ չէ, և չուովմ բան չէ սովորած: Այն գերբնական զօրութիւնը, որ ի վեր ուղղել կյաջողի մարդկային մըտքերը, զոր հպարտները կարհամարհեն, այն զօրութիւնը սիւռած խառնուած է որա խօսքերուն վսեմական պարզութեանը հետ . . . :

Աւ ինչպէս դաշտի մէջ վազող մեծասաստ գետը տակաւին իւր հետ կունենայ այն սաստկագին և բուռն զօրութիւնը, զոր առած էր լեռներէն, յորոց կբղխի, նոյնպէս սրբոյն Պօղոսի գրուածոց մէջ պարունակուած երկնաւոր առաքինութիւնը՝ նոյն իսկ ոճոյ պարզութեանը հետ՝ կպահպանէ այն երկնային զօրութիւնը, յորմէ իջած է:

(Պատմ.)

Թարգմ. և Գաղղիականէ

ՀԱՅԳՈՐԴԻ.

ՊԱՏՄԱԿԱՆ

ՃԱՆԱԳԱՐՀՈՐԴՈՒԹԻՒՆ

ՅԵԳԻՊՏՈՍ.

Յառաջնումն տուաք հատորի զանցս ճանապարհորդութեան մերոյ ի Աոստանդնուպօլիս, ընդ քաղաքսն վաճառաշահս և հոյաժողովս, ընդ որս անցանել կայր

մեզ ի Աարնոյ ցՏրապիզոն, յորս մարդասիրեցաք ի մերայնոց. և զոր անդ ի մայրաքաղաքին զհամագգեաց մերոց միմեանց հակառակ կուսակցութիւնս մասնաւորաց հայորերւոյն, և զոմանց հոգեւորականաց ըստ Ազգիս անբաղդութեան վիճակելոց եկեղեցւոյս մերոյ, զորոց շատ է յառաջնումն ընթեռնուել զլիսի:

Աստանօր կարգեմք զանցս ճանապարհորդութեան մերոյ ի Աոստանդնուպօլսոյ յԱզիպտոս ընդ Վարդանէլեան նեղուց, ընդ շիլէսպոնտոսն կոչեցեալ. ընդ որ Մարմարայի Միջերկրականն խառնի ծով. ընդ որ և մեք նաւեցաք ի Չմիւռնիա, և անտի յԱզիպտոս յԱզէքսանդրիա, ուր ի հնումն երբեմն մերս Խորենացի յունականն ընթացեալ զհետքարբառոյ, յորմէ և անդր ի Վահրիէ՝ անյաջող հողմով նաւարկութիւն ընդ Նեղոս, որ ոչ սակաւ նեղեաց զմեզ յիւրում նուազութեան ջուրց, զի ժամանակ տեղատուութեան էր այնորիկ:

Աարի ցուրտ էին աւուրբն, յորժամ յերկուսն Նոյեմբերի 1853 ամի, ճանապարհ երաց շոգենաւն ի Աոստանդնուպօլսոյ ընդ ծով Մարմարայ. գիշերն ողջոյն ընթանայր սրընթաց և խորտակէր զալիս ջուրցն մկանանց դիզելոց զառաջեալ ի շնչելոյ հողմոցն ցրտութեան:

Յառաւօտել գիշերոյն խաղաղանայր նաւն ի նեղուց անդր շիլէսպոնտոս. ուր քաղաքն կոչեցեալ Չանսքզալէ, յարեւելից ծովուն Ասիական կողմանն. և անգնդան ի նաւ անդր նաւաստիք մակուկաց, որք բերէին ոմանք ճանապարհորդս, այլք վաճառս և կէսք կերակուրս ի վաճառել:

Հազիւ յապաղեցաւ աստ շոգենաւն տալ և առնուլ վաճառս. ուստի ապա նաեւեցաք առանց հողմոց բռնութեան ընդ նեղուցն որ իջանէր ի հարաւ կոյս, յորում երկուստեք մերձ էին ցամաքն լեռնոսք և անտառոց ծառովք կանաչացեալ իբրեւ յաւուրս ամարայնի. — Արշիպեղադոսն էին այսոքիկ, հարիւրաւոր կղզեք ի ծովու մերձաւորք իրերաց որ դիւր և ո՛ր սեպացեալ բլրովք, ընդ երեկս անձրեւէին երկինք. երեսք հաստատութեան էին մըրկալեցք. զի իբրեւ ի գարնան առանց հողմոյ խաղային ամպք ի հաստատութեան, և ընդհանուր անձրեւեր: Վիշերն ողջոյն միգապատ էր երկինք. բայց շոգենաւ մեր աներկիւղ իբրեւ ի գետ հերձանէր զջուր և արագ արագ չափէր գերկարութիւն Եգեան ծովուն: Չիններորդ ժամաւ հազիւ թէ շիթք անձրեւաց բերէին զքուն ծանրացելոց աչաց յաւետ յընդդիմահարութենէ գործեաց նաւուն իբրեւ յահեղ կռանահարութենէ դարբնոցաց:

Չեւ անցեալ գրեթէ ժամս երկուս, դադարեալ էին ամենայն շունչէնք, և նաւն խարսխեալ ի ծովու ի հանգիպոյ Չմիւռնիոյ յընդարձակ նաւահանգստին, յորժամ բացան աչք մեր և գտաք զմեզ ի յունական սահմանին. և ընդ արշալոյսն առաւօտու շրջապատեցին զնաւն մակոյկք քաղաքին թափել զբեռինս: Ի խրոան անդ բազմութեան նաւորդաց ծանօթս ետ յանկարծ նախածանօթն իմ Յովհաննէս Մարկոսեան եկեալ ընդ առաջ մեր ի կողմանէ Վարրիէլ Եպիսկոպոսի Առաջնորդին Եգիպտոսի, որ ըստ հրաւիրանացն մեզ իշխանացն Վա-

հիրէի մնայր գալստեան իմում անդ ի Չմիւռնիա, ընդ որում ելեալ ի նաւէ, գնացի յողջոյն Առաջնորդին:

Այլով աստ ի Չմիւռնիա շաբաթ մի ողջոյն, հիւր եղէ ի տան Ստեփաննոսի Խալֆայեանց մեծի իշխանին. ուր ոչ սակաւ տեսաք մարդասիրութիւն և ի մերացնոց ամենից ծանօթից և անծանօթից:

Ապա ի կիւրակէի աւուր ընդ երեկս մտաք աստի ի շոգենաւ ընդ Վարրիէլ Եպիսկոպոսին. ոչ սակաւ ուղեկիցք եղեն մեզ ի քաղաքացւոցն մինչ ի նաւանդր. որոց տուեալ ողջոյն հրաժարական, մեկնեցաք ի նաւահանգստէն ի կէս ժամու գիշերոյն, յորում փոքր ինչ խրոովէր ծովն:

Ընդ ճանապարհն ողջոյն թուէր մեզ ի դարնանային աւուրց մտանել յամաբայինն. զի ի չորեքշաբաթի աւուր յորում ելաք ի ցամաք յԱղէքսանդրիա, շոգ սաստիկ կալաւ զմեզ, մինչ ի նաւանդր ոչ ժուժել մեզ կալ ի հանդերձ ձմերայնի:

Աստ յամեցաք զաւուրս չորեքտասան. յորս ազգային գործոց ընթացիցն կամեցեալ խնամ ցուցանել Առաջնորդին, փոխեաց զհին գործակալս եկեղեցական կալուածոց. և յառաւելն յառաջընթացութիւն վարժատան Ազգայնոց տեղոյն՝ կարգեաց վարժապետ ի նմին զՅովհաննէս Մարկոսեան Չմիւռնացի եղեալն ընդ մեզ, որ չգիտելով Հայերէն դպրութիւն, խոստանայր դադղիական լեզուի օժանդակութեամբ, որում հմուտ էր, մարգել զմանկտին ի հայրենի բարբառ. որոյ զբերականական հօլովս ինչ նորոգ թոթովէր. զինորդ և իցէ, առ ի չգոյէ գերագունին,

շատացաք դադղեալսն շաւորք ի մերն արուեստից զաշակերտսն ընթացուցանել շաւիղ, երբ պարտ էր մերոյն օտարին բարբառոյ զհետ ընթանալ:

Սարգեալ Առաջնորդին փոխանորդ ինքեան աստ յԱղէքսանդրիա զՂաղարոս Տէր Պասպարեան Օմիւռնացի, և ի ձեռս տուեալ նորա զվերակացութիւն ազգային կալուածոց եկեղեցւոյն և աթոռոյն Երուսաղէմի, զոյր զհասն դարձուցեալ էին յօգուտ Ազգին յաւուրց մտանելոյ Առաջնորդութեան Եզրիպտոսի Հայոց ընդ Պատրիարքական իշխանութեամբ Առաջնորդութեան, ի վեցերորդում աւուր Ղեկտեմբերի ճանապարհորդ եղաք ի Վաշիրէ, նաւել ընդ Նեղոս, ելանելով ընդ ջրանցսն ի վեր նորոգ շինեալն ի Սահմատ Ալի փաշայէն, կարի զուարթագին աւուրքք որպէս ի տօթագին աւուր ամարան ըստ սովորութեան երկրին, յորում թուէր մեզ ի դարնանային եղանակի ելանել յամարանոց, զի երկիրն բովանդակ դալարագեղ ծիծաղախիտ լինէր ի պտղածնութեան անդ ծառոց, բուսոց և տնկոց, և մարդագետիկն համօրէն երկուստեք գետոյն սիզաւէտ կանաչացեալ ի սփիւռ տարածանէր ընդ համօրէն երկիրն դաշտային, և բերք ամենայն փութացեալ կապել զհասկ:

Աստի և անտի զամիամբք գետոյն արկանէին դեղջէիցն տունք յաւանս յաւանս հասուածեալ, ոչ կարի բացակայ ի միմեանց, ի հարթութեան դաշտացն շինուածք գծուծք և անձեք, որք առ ի չքոյէ քարանց կառուցեալք են բովանդակ հողակոշտ կղմնորօք, և շատք ևս ի նոցունց, որք աղքատացն են բնակութիւնք,

կիսով չափ յերկրի փորեալք և փայտածածկ արարեալ: Յամենայն ի դիւղօրէս յայտոսիկ դիւրագիւտ ծառք են արմաւենիք, նարինջ և լեմոն. որով զարդարին պարտէղք համօրէն երկրին: Նեղոս որ զափունս իւր զարդարեալ է համակ դիւղօրէիւքս, զաւուրս եօթն ոչ ետ մեզ ճանապարհ յաջող առ բռնութեան հարաւային հողմոյն, թէ և քսան ժամուց ճանապարհ միայն է նաւագնացութեամբ ընդ Աղէքսանդրիա և ընդ Վաշիրէ:

Հազել ի 10 Ղեկտեմբերի ժամանակ ի Վաշիրէ, հաստատեցաք զբնակութիւն մեր յԱռաջնորդարանի մերում ի պարբսպի Ս. Սարգիս եկեղեցւոյ ի խնամս մարդասիրութեան մերազանց և դերուպատիւ Առաջնորդին: Իսկ գաղթականութիւն Ազգի մերոյ յԵզրիպտոս՝ ըստ այսմ, զոր աստ ի Վաշիրէ գրեցաք:

Պաղթականացն մերոց Ազգիս յաշխարհ Եզրիպտոս՝ ի կարգելն մեր պատմագրութիւն զարդեան եղելոցն աստէն, ձեռնարկեցաք զառաջինն ի պատմութիւն Ազգիս, յորժամ Տեառն կամք եղև ձգել զմեզ աշխարհատեսութեամբ յԱփրիկէ, որպէս երբեմն զծերունին Խորնոյ, և նաւել ընդ Նեղոս մինչ ի քաղաք այսր Վաշիրէ, յորում արդ զսկիզբն առնեմք պատմութեան գաղթականութեան Հայոց Եզրիպտոսի ի ճանապարհորդութեան մերում:

Այլ սակայն յԱղգային անդր մատենագրութեան սակաւ ինչ գտաք վէպս ի լուծումն հետազօտութեանց մերոց, և այն՝ արտաքոյ պատմութեան յայսմաւուրս, ի վարս պատմութեան վկայասիրին Վարիգորի. յորում կարի համառօտ ինչ յի-

շատակին յազադս Ազգի մերոյ եղելոյ յԱզգիպտոս նախ քան զամս 775. զի սա մինչ ի Հռովմայ դարձ առնէր յամի 1079, նաւեաց յԱղէքսանդրիա. և մտեալ յԱզգիպտոս (Մըսրը) գտանէ անդ զմեծ դադթականութիւն Հայոց, ուր և ելանէ առ Սուլթան տեղւոյն և առ Խալիֆայն, և պատուի ի նոցունց: Եւ զի «Էր, ասէ, յայնմ ժամանակի յազգէս Հայոց ի Մըսրը՝ համարով երեսուն հազար, ետ նոցա (վկայասէրն) Ապիսկոպոս՝ զքոռեր որդին իւր Պրիգոր անուամբ ¹⁾, և ինքն . . . եկն յարեւելս »:

Աստի յայտ է սպաքէն, եթէ վաղուրիմն էին աստ բազմութիւնք դադթական Հայոց՝ զորոց ժամանակի դադթականութիւնն ո՛չ ստոյգ վէպս տան պատմաբանք ազգիս. սակս որոյ և յայն բան վկայասիրին յեցեալ՝ զգործս նորա զՊրիգորի մեւրոյ Հայրապետի գնեմք ի հիմն պատմութեան դադթելոյ մասին Ազգիս յԱզգիպտոս:

Հայ աշխարհադիրն Ափրիկոյ ո՛չ կարէ հանել զժամանակ զնալոյ անդր Հայոց ի վեր քան զԱկոյասիրին. այլ զի յաւուրս նորա էին անդր տանց երեսուն հազարաց ըստ վերոյգրեալ բանին, զիւրին լինի ապա մակարեւել, եթէ Հայք կարի յառաջ ժամանակաւ դադթեալ էին անդր. և զի ո՛չ ի միում ժամանակի այնքան մեծ բազմութիւն զերգաստանաց կարէին հաւաքիլ անդր, հաւաստի է ուրեմն, եթէ յայլ և այլ տեղեաց մեծի և փոքուն Հայոց հետգհատէ չուեալ իցեն. ըստ ու

րում ո՛չ ուրեք յիշատակի բազմութիւն այնպէս միահամուռ դադթեալ յԱզգիպտոս առ պատմաբանս մեր. եթէ լեալ ևս իցին, որպէս յիտ բարձման պետութեանին Բաղրատունեաց, այլ ո՛չ ուստեքէ գտանեմք զնոսին զեղեալս անդր. բայց թէ ի սահմանաց Արիկիոյ և Միջագետաց որ զնոսին կարծիցէ դադթեալս, զայդ հաւանականաբար միայն ասել կարեմք:

Ի ներկայ յիշատակարանս Ազգիս աստանոր ի Պահլիւէ՝ չգտանեմք երբէք նըշխարս մնացուածոց հնոյ բազմութեանն, և ո՛չ նշմարանք ինչ յարձանադիրս՝ ըզբազմանալոյ նոցա այնպէս յԱզգիպտական պետութեանն առ նախնեօք մերովք, և ո՛չ իսկ հետք յիշատակաց ի հնոց ժամանակաց. այլ որ ինչ ենն աստ յիշատակք սրբութեան քրիստոնէական նշանաց, ո՛չ անցանեն քան զ1606 թուական Փրիչին. այս ինքն ամբ ընդ ամենն երկու հարիւր քառասուն և ինն:

Առիկին տպացոյց դադթելոյ արդեան եղելոցն Ազգիս յԱզգիպտոս՝ գտանեմք զհրովարտակն Մահմետականացն մարգարէի տուեալ յանուն Ազգիս Հայոց որպէս երեւի ի Բասրայ. ոյր օրինակն ունի արդ ժողովուրդս մեր հին Արաբացի բարբառովն, զոր և առնումք ի քննել:

(Ի յեդիպոյ)

ԱՐԷԼ ԱՐԲԵՊԻՍԿՈՊՈՍ.

(¹⁾ Չսա յիշէ ներսէս Լամբրոնացի ի թուղթն իւր առ Լեոն արքայ: